

Ningnan Re Ai Su Hprang Ai Lam A Mātu Kārai - Māsha Sak Hkrung Lam

Hti na chyum daw Jaw.1:3-15, 9. 6:8-13. Yhn, 21:15-17. 1Yhn,3:14. 5:1. 2:6. 4:17
Gal,6:2-3. Rom,8:2

I. Kārai Kāsang a myit māsin ra shārawng lam gaw Kābu gāra shi ga lāika māli hta kā mātsing da ai Yesu a Kārai- Māsha asak hkrung lam a kāja nan nga wa ai mābyin māsa rai nga ai "Yesu hta nga ai jet ai lam" (Ehp, 4:21) gaw jet ai lam a Wenyi a mārang e Hkristu a hkum hkrang hta daw chyan ni law hkra hta hkrang bung pre lu na mātu, dai hku hte ningnan re ai su hprang lam a mātu Kārai Kāsang a yaw māsing hta tsaw dik htum nchyawng ndung rai nga ai Hkristu hkum hkrang a jet ai lam byin wa na mātu rai nga ai (Kāji, 20-24).

- A. Kābu gāra shi ga lāika māli gaw Kārai Kāsang ra shārawng ai asak hkrung lam a hkrang kāsi, Kārai Kāsang hpe myit dik shāngun lu nna, Mādu a yaw shāda lam hpe hpring tsup shāngun lu ai asak hkrung lam a htang hpe mādun da ai. Yesu gaw yawng māyawng hpe Kārai Kāsang hta, Kārai Kāsang hte rau, Kārai Kāsang a mātu gālaw ai asak hkrung lam hpe asak hkrung wa ai. Kārai Kāsang gaw Mādu a asak hkrung ai lam hta shawng lawm nna, Mādu gaw Kārai Kāsang hte lāngai sha byin wa ai. Nдай gaw Yesu hta nga ai jet ai lam ngu ai ga si a lāchyum nan rai nga ai. Yesu hta nga ai jet ai lam hku Hkristu hpe shārin la ai lam ngu ai gaw Hkristu a hkrang kāsi kāta de hkrang shāpraw hkrum ai lam, Hkristu a hkrang nsam de hkrang bung wa ai lam nan rai nga ai- Rom, 8:28-29. Ehp, 4:20-21.
- B. Anhte gaw ning shāwng wa Kārai- Māsha rai nga ai Hkristu a htang hte rau anhte a ru di asak hpe nyet kau ai a mārang e Kārai hte seng ai asak hpe asak hkrung ai a mārang e Kārai-Māsha byin wa na mātu Kārai Kāsang a kup tsup shāngun ai lam hpe hkrum wu ai- Mat, 11:29a. 17:5b. 1pe, 2:21.
1. Ging ding ga ntsa Mādu a asak hkrung lam hta Mādu gaw kābu gāra shi ga lāika māli hta hpaw mādun da ai hku kāsi kāmang lāngai hpe māsat wa ai. Dai hpang asak jaw ai wenyi byin wa na mātu Mādu u-dang ntsa hta si hkam nna bai hkrung rawt wa ai, dai rai yang she Mādu gaw anhte a asak byin wa na mātu anhte kāta de du shang lu na rai nga ai. Anhte gaw tinang a ru di asak a mārang e n re sha, bai hkrung rawt ai lam hta nga ai anhte a asak ngu ai Mādu a amārang e Mādu a kāsi kāmang hku Mādu kaw na shārin la ma ai- 1ko,15:45b. Kol,3:4.
 2. Anhte a Hkristan asak hkrung lam gaw Hkristu hta nga ai asak hkrung lam byin ai zawn, anhte kāta hta Hkristu a asak hkrung lam mung rai nga ai. Anhte gaw htang rai nga ai Hkristu hta nga ma nna, Mādu gaw anhte a asak hku anhte kāta hta mung nga ai. Nдай lam a mārang e anhte gaw Yesu hta nga ai jet ai lam hku Hkristu hpe shārin la ma ai. Nдай jet ai lam gaw Hkristu hkum hkrang a jet ai lam rai nga ai- 1ko,1:30. 2ko,5:17. 12:2a. Kol,1:27. Gal,2:20. Rom,8:10.
- C. Anhte gaw Mādu Kārai hpe tsaw ra nna, Mādu hpe mātut mākhai ai lam hte mādu hpang de akyu hpyi ai lam gālaw ai hte nan, anhte gaw kābu gāra shi ga lāika ni hta hpaw mādun da ai htang, hkrang nsam, kāsi kāmang hku shi hte shi Mādu hpe asak hkrung ai lam rai nga ai. Nдай lam a mārang e anhte gaw ndai htang a hkrang nsam hte rau htang bang ai lam, nsam bung ai lam hkrum ma ai- Nдай gaw Hkristu hpe shārin la ai lam nan rai nga ai- Mat, 11:29, Rom, 8:29.
- D. Anhte gaw kāyau gum hpawn ai Wenyi hta asak hkrung ai shāloi, anhte gaw jet ai lam a wenyi a mārang e Yesu hta nga ai jet ai lam hte rau Hkristu hpe shārin la ai lam rai nga ai. Mādu a prat lābau gaw anhte a lābau byin wa na mātu htang rai nga ai Mādu kaw na anhte shārin la ma ai. Māsha ningnan hku Hkristu hkum hkrang a asak hkrung ai lam gaw kābu gāra shi ga lāika māli hta hpaw mādun da ai Yesu a asak hkrung ai lam hte bung pre ra na rai nga ai- Gal,6:17-18. Rom,1:1,9. Ehp,4:20-24. Hpl,2:5. Mat,11:29. 1pe,2:21.
- E. Mādu Yesu hpe māsha lāngai byin na mātu shāngun dat ai hta Kārai Kāsang a yaw shāda lam gaw Mādu hpe Kārai hte seng ai asak a mārang e Kārai-Māsha asak hkrung lam hpe asak hkrung na mātu rai nga ai. Anhte gaw Mādu hpe lu sha ai shāloi, anhte gaw Mādu a mājaw asak hkrung ma nna, Mādu hte lāngai sha re bung ai lam Kārai-Māsha bung pre ai -Kārai hte seng ai asak a mārang e Kārai-Māsha asak hkrung lam hpe asak hkrung ai- ning gawn tāwa hte seng ai kāba la ai Māsha byin wa na mātu rai nga ai- Shy,3:22-24, 55-56. Shr, 2:4,7. Yhn,6:57. Yer, 15:16-18. Shk,119:15.

II. Kārai Kāsang hpe myit dik shāngun ai lāngai sha re ai asak hkrung lam gaw ging ding ga ntsa asak hkrung wa ai Hkristu a asak hkrung lam hpe kālang bai kāhtap da ai asak hkrung lam rai

nga ai. Ndai gaw wan nat hkungga ngu ai Mädu a mähkrum mädup ni hta Hkristu hpe hkrum kädup hkam sha ai asak hkrung lam rai nga ai- Jaw,1:9. Yhn,8:29. 2ko,5:9.

- A. Wan nat hkungga gaw Käräi Käsang hte Käräi Käsang a myit dik ai lam a mätu tsep kawp rai nga ai asak hkrung lam hpe asak hkrung nga ai Hkristu hpe shing daw ai. Wan nat hkungga gaw Käräi Käsang a mäsha ni hpe dai zawn re asak hkrung lu ai asak byin ai lam hta mung Hkristu hpe shing daw ai - Jaw,1:3. Bhk,28:2-3. Yhn,5:30. 6:38. 8:29. Heb,10:5-10.
- B. "Wan nat hkungga" ngu ga gale da ai ga si gaw lähta de lung mat wa ai lam hpe tsun mäyu ai. Ndai lung mat wa ai lam gaw Hkristu hpe shing daw ai (Jaw,1:3,10,14). Ging ding aga kaw na Käräi Käsang hpang de lung wa lu ai längai sha re ai lam gaw Hkristu hte asak hkrung ai asak hkrung lam nan rai nga ai, Mädu gaw Käräi Käsang a mätu tsep kawp rai nga ai asak hkrung lam (Yhn,6:38) hpe asak hkrung wa ai shing daw n lu ai märai hkum rai nga ai.
- C. Wan nat hkungga gaw "Yehowa hpe myit dik shängun ai manam pyaw ai baw rai nga ai" (Jaw,1:9). "Myit dik shängun ai manam pyawa ai baw " ngu ga gale da ai Hebre ga si ni a ding tawk lächyum gaw "Sim sa ai lam (snr) myit dik shängun ai säma" ngu tsun mäyu ai. Myit dik hpa säma ngu ai myit dik lam, sim sa lam hte ban sa ai lam ni hpe la sa wa ya ai säma rai nga ai. Dai zawn re myit dik myit pyaw shängun ai säma gaw Käräi Käsang a mätu käbu gära lam längai rai nga ai.
- D. Anhte kätä hta Hkristu a asak hkrung lam gaw wan nat hkungga a jet ai lam rai nga ai- Ndai gaw mädät mära ai lam nga ai sak hkrung lam, yin la chye ai sak hkrung lam, asak hpun a mähkrung mäsa hku Käräi Käsang a ntsa tsep kawp shämyet shänat ai asak rai nga ai- Hpl,2:8. Yhn,5:19, 30. Heb,5:8. 10:7.
1. Mäsha gaw Käräi Käsang kaw na tsan gang let, Käräi Käsang hta nna tinang dinghkrai hkrai wanglu wanglang gälaw ai lam gaw mära rai nga ai. Käräi Käsang gaw yawng mäyawng hta Mädu a lam mätsun ai hku anhte hpe shämu shämawt ai lam nga shängun ai- Shk,40:7-8. 1Yhn,3:4.
 2. Kadai rai ti mung, Karai Kasang a mungdan hpe, ma kaji zawn n hkup la ai wa gaw, dai hta e gaja wa n shang lu na ra ai," (Luk,18:17). Käräi Käsang gaw anhte hpe Mädu a ntsa aten tup shämyet shanat ai lam nga shängun mäyu ai mäjaw ma käji zawn aten tup nga shängun mäyu ai. Tinang hkum hpe kam hpa ai lam gaw Käräi Käsang hpe shämyet shänat ai lam a hpyen rai nga ai.
- E. Teng man htap htuk ai akyu hpyi ai a märang e anhte a wan nat hkungga ngu ai Hkristu ntsa läta mära ai hte anhte gaw Mädu hpang de gum hpawn mätut mähkai mat nna, Mädu hte anhte gaw längai sha byin mat wa ai. Hkristu gaw anhte kätä hta asak hkrung ai the mären, Mädu gaw ga ntsa asak hkrung wa ai sak hkrung lam, wan nat hkungga a sak hkrung lam hpe anhte kätä hta kähptap nna sak hkrung ya ai- käji, 4. 1ko, 6:17. Gal,2:20.
- F. Dai zawn re ai gum hpawn mätut mähkai ai lam, dai zawn re mären sha byin ai lam hta anhte a gawngkya ai lam, ningra ai lam ni hte yubak ning ma ni yawng hpe Mädu a märang e la sa wa wu ai- 2ko,5:21. Gal,2:20.
- G. Anhte gaw Mädu Käräi hpang anhte hpe hkru mat na mätu ahkang jaw ra na, dai rai yang she anhte gaw käga ni hpe hkru na mätu hte Käräi Käsang a dan deng ai lam a mätu Yerusalem märe ningnan byin wa na mätu dap byin mat wa ai kaw du hkra mätut mänoi wan nat hkungga byin lu na rai nga ai- Shk,20:3. Jaw,1:16. 6:8-13. 1ko,3:12a. Shr,3:12. 21:2,10-11,18-21.
1. Dap ni gaw hpa mung n re ai kaw du hkra shägrit hkrum ai Hkristu hpe mädi mädun ai. Anhte gaw dap zawn rai shägrit kau hkrum ai Hkristu hte längai sha rai nga ai mäjaw, anhte mung dap zawn shägirt kau hkrum ai, ngu mäyu hta anhte gaw hpa mung n re ai lam, gäman de shägrit kau hkrum ai lam rai nga ai. Mrk,9:12. Esa,53:3. 1ko,1:28. 2ko,12:11.
 2. Anhte gaw Mädu a si hkam ai lam hta Hkristu hte grau nna bung pre mägang, anhte gaw dap sumpum de du mat sai re hpe grau nna chye na hkawn hkrang mägang rai nga ai. Anhte gaw dap ni byin wa ai shäloi, anhte gaw ru di mäsha n rai sai. De mälai anhte gaw u-dang ntsa si hkam ai, jähtum hkrum ai, wan nat hkrum ai ni rai ma ai- Gal,2:20.
- H. Dap ni hpe hkungri sinpraw mäga, jan pru ai mäga hta tawn da ai lam gaw bai hkrung rawt ai lam hpe shing daw ai- Jaw,1:16. Yhn,11:25. Hpl,3:10-11. 2Ko,1:9.
1. Wan nat hkungga rai nga ai Hkristu hte rau dap ni gaw jähtum ai lam n rai nga ai- Dai gaw ningnan hpang ai lam sha rai nga ai. Dap ni gaw Hkristu si hkam sai ngu tsun mäyu timung, sinpraw mäga gaw bai hkrung rawt ai lam lächyum lu ai- Mrk,9:31.

2. Anhte gaw Hkristu hta dap zawn grau nna du mǎgang, sinpraw mǎga de grau nna sa dat hkrum mǎgang byin na re, dai sinpraw mǎga de jan paw pru wa na re hte anhte gaw bai hkrung rawt ai lam a nhtoi htoi wa mǎhka hpe hkam sha lu na re hpe pahkam hkam ai lam nga wa na rai nga ai- Hpl,3:10-11.
- I. H pang jǎhtum hta dap ni gaw Yerusalem mǎre ningnan byin wa na rai nga ai- ShR,3:12. 21:2, 10-11.
 1. Hkristu a si hkam ai lam gaw anhte hpang jǎhtum shǎngun nna, dap byin shǎngun ai. Bai hkrung rawt ai lam hta dai dap ni gaw Kǎrai Kǎsang a gaw-gap ai lam a mǎtu mǎnu dan ai lǎkung lǎkap ni byin wa ai- 1ko,3:9b, 12a.
 2. Anhte gaw dap zawn shǎgrit hkrum ai shǎloi, anhte gaw Yerusalem mǎre ningnan gaw-gap na mǎtu mǎnu dan ai lǎkung lǎkap ni byin wa na mǎtu Mǎsum lǎngai Kǎrai a hkrang gǎlai shai ai lam kǎta de shǎga la ai lam hkrum wu ai- Rom,12:1-2. 2Ko,3:18, 3:18. Shr, 21:18-21.

III. Kǎrai Kǎsang a gǎ shaka ningnan mu mǎgam hpe gun hpǎi ai lam hta Mǎdu Yesu gaw wan nat hkungga a jet ai lam rai nga ai hte, tinang hkum nan kaw na hpa lam hpe mung n gǎlaw wa ai (Yhn, 5:19), Mǎdu gaw shi a ding hkrai bungli hpe n gǎlaw wa ai (4:34, 17:4), Mǎdu gaw shi a ding hkrai ga hpe n tsun wa wu ai (14:10, 24), Mǎdu gaw yawng mǎyawng hpe shi a ding hkrai ra shǎrawng myit hte n gǎlaw wa wu ai (5:30), Dai hta n-ga Mǎdu gaw shi a ding hkrai Hpung shingka hpe n tam wa wu ai (7:18). Mǎdu gaw Kǎrai Kǎsang hte sha myit dik ai lam nga ai mǎjaw kǎloi mung myit daw myit hten ai lam n nga wa ai (Esa, 42:4, 50:4-5. 53:2a. mǎdun, Yhn,4:13-14. 6:15. Mrk, 9:7-8.

- A. Mǎdu Kǎrai a asak gaw Mǎdu a bungli, Mǎdu a shǎmu shǎmawt ai lam hte Mǎdu a amu mǎgam rai nga ai. Mǎdu a bungli gaw Mǎdu a asak hkrung ai lam rai nna, Mǎdu a shǎmu shǎmawt ai lam gaw Mǎdu a asak hkrung ai lam rai nna, Mǎdu a shǎmu shǎmawt ai lam gaw Mǎdu a mǎbyin rai nga ai. Mǎdu hta shi a asak, shi a bungli, shi a shǎmu shǎmawt ai lam hte shi a amu mǎgam ni lǎpran hpǎi shai ai lam n nga ai. Mǎdu Yesu gaw shi a amu mǎgam hpe asak hkrung wa ai- Mǎdun, Luk,22:26-27. Yhn, 10:10b.1ko, 15:45b. 1Yhn, 5:16a. 2ko,3:. Hpl,1:25.
- B. Mǎdu Yesu agw akyu hpyi ai mǎrai lǎngai rai nga ai. Mǎdu gaw akyu hpyi na mǎtu bum de (snr) sim sa ai shǎra de chyahkring hkring pru mat wa ai- Mat,14:23. Mrk, 1:35. 6:12. 9:28.
- C. Mǎsha hking mǎnga hpang jaw lu jaw sha ai mau hpa lǎmik kumla hpe gǎlaw ngut ai hpang, Kǎwa Kǎrai hpang de lǎksan akyu hpyi na mǎtu aten grau lu la na mǎtu Sǎpe ni hpe shi kaw na pru sa na mǎtu shǎngun wa wu ai- Mat,14:22-23.
 1. Mǎsha lǎngai a mǎsa hta tsap nga ai (4:4), Kǎwa Kǎrai a tsaw ra shǎrawng nga ai Kǎsha hku (3:17) Sum sing hte seng ai Hkaw hkam gaw sum sing ni a mungdan gaw de na mǎtu ging ding ga ntsa Mǎdu gǎlaw ai lam shǎgu hta Kǎwa Kǎrai hte lǎngai sha byin na mǎtu Kǎwa Kǎrai gaw Mǎdu hte lǎngai sha byin na nga sum sing ni hta nga ai shi a Kǎwa Kǎrai hpang de lǎk san akyu hpyi na mǎtu ra kǎdawn ai.
 2. Mǎdu gaw Kǎwa Kǎrai hte hkrum hkra mǎtut mǎhkai lu na mǎtu lǎngai sha lu nga na mǎtu, Mǎsha yawng hte shi a Sǎpe ni hpe nan tawn da wa nna, pa lǎyang shǎra hta n re sha, bum ntsa de yu sa nna ndai zawn gǎlaw ai lam rai nga ai.
- D. Mǎdu gaw Kǎrai Kǎsang hte lǎngai sha rai nga ai akyu hpyi ai wa rai nga ai mǎjaw, Kǎwa Kǎrai gaw shi hte rau nga nga ai mǎjaw Mǎdu gaw gǎloi mung lǎngai sha n rai wa ai. Ten ning gam shǎgu hta Mǎdu gaw shi a Kǎwa Kǎrai a myi man hpe ding nyawm wa ai - Yhn, 5:19. 16:32. Shk,16;7-8. Mǎdun, 27:8.

IV. Dai daw dan ai nhtoi hta e, anhte nden ja ai myit rawng lu hkra,"dai tsaw ra ai lam gaw, anhte hta e dik wa sai: kaning rai nme law, shi rai nga ai hte maren, anhte mung ndai mungkan ga e a rai nga ga ai." (1Yhn,4:17). Wan nat hkungga a jet ai lam rai nga ai Hkristu gaw Ndai mungkan hta tsaw ra myit rai nga ai Kǎrai Kǎsang a asak hpe sak hkrung wa ai. Ya hta Mǎdu gaw anhte a asak rai nga ai hte, anhte mung ndai mungkan a dai zawn re tsaw ra myit asak hte asak hkrung lu ma nna Mǎdu byin ai zawn nan byin lu ma ai.

- A. Anhte a wenyi hta nga ai asak a wenyi tǎra gaw tsaw ra myit a tǎra ngu ai Hkristu a tǎra rai nga ai (Rom,8:2. Gal,6:2). Tsaw ra myit a tǎra gaw asak a wenyi tǎra hte ta tut shǎgrin ra ai, dai rai yang she anhte gaw kǎga mǎsha ni a lit ni hpe gun hpǎi lu na rai nga ai. Raitim anhte gaw myit tsaw myit dap hte hpring chyat nga yang, anhte gaw hpa mung nre ai sha lǎma ma byin ai ngu shǎdu nna tinang hkum hpe hkalem taw nga ai mǎjaw kǎga ni a lit hpe gun hpǎi lu na n rai nga ai (Kǎji,3).

- B. Anhte kăta hta tsaw ra myit a tăra gaw bungli gălaw wa ai shăloi, anhte gaw Kăwa Kărai a tsaw ra myit nga nna măra raw dat chye ai myit măsin hte Hkye mădu Hkristu a bau rem ai lam hte tam bram chye ai wenyi nga ai Săgu rem ni hku nna shi hte shi byin wa ma na rai nga ai- Yhn, 21:15-17. Luk,15:3-7.
- C. Anhte kăta hta tsaw ra myit a tăra gaw bungli gălaw wa ai shăloi, Mădu Kărai hta anhte shăkut shăja gălaw ai lam gaw "Gawng kya ai ni hpe pawn ba ya ai" (Kas, 20:35), "gawng kya ai ni hpe kărüm ningtum ya ai " (1Tm,5:14) Tsaw ra myit a shăkut shăja gălaw ai lam byin wa na rai nga ai (1Tm, 15:58. 1Tm,1:3). Gawng kya ai wa ngu ai gaw Wenyi, Myit (snr) hkum hkrang hta gawng kya ai ni, (snr) măkam măsham hta gawng kya ai ni hpe mădi mädun ai (Rom, 14:1. 15:1).
- D. Mădu a bai hkrung rawt ai lam ngut ai hpang Mădu Kărai gaw petru hpe shi Săgu ni hpang bau măka na mătu hte shi a Săgu ni hpang bau rem na mătu lit ap jaw wa wu ai. Ndai gaw Kărai Kăsang a Săgu hpung ngu ai Hpung hpe lănu lăku na mătu Kăsa ni a amu măgam hpe Hkristu a sum sing hte seng ai amu măgam hte găyau gum hpawn na mătu rai nna, dai gaw Hkristu a hkum hkrang hpe gaw gap ai lam hpe byin pru shăngun nna, Kărai Kăsang a htani htana yaw măsing hpe ngut kre hpring tsup na mătu Yerusalem märe ningnan hta ngut kre hpring tsup na rai nga ai- Yhn,21:15-17.